

贛州府志卷之二



輿地志二

山川

嶺峯巖洞岡障石峽壩附山

泉池灘洲湖潭湫附川 丘墓附

府 贛縣附

賀蘭山 在府治西北隅舊名文壁冠冕一郡

之形勝而襟帶千里之江山其左綿亘爲白

家嶺

夜光山

在府城東隅一名寶林堂

章水方言
卷之二
天竺山 在貢水東舊有脩吉寺唐元和初僧
韜光自錢塘天竺駐錫於此故名白居易蘇
軾李朴俱有詩今在東門外者非故址乃借
名也

伏龍山 在貢水東林水陰翳頗稱勝境

佛日峯 在貢水東其下爲馬祖巖馬禪師初
欲棲此一夕山鬼爲之築垣師曰學道不至
乃爲邪鬼所測此非吾居也因棄去居龔公
山峯巔有塵外亭雲端亭駒巖亭一憇亭馬

禪關俱久廢近復塵外一憇二亭

雷岡 在貢水東舊傳一夕爲雷雨開通

鳳凰山 在城東十里狀如雙鳳飛來

獅子巖 在城東十五里石壁峭拔深數丈高
三丈遠望其狀類獅

文潭嶺 在城東三十里巨石盤亘下有潭廣
數十丈舊傳漁父于潭中得大小銅龍五今
存其四

回軍嶺 在城東四十里舊傳黃巢兵過里人

方氏率衆却之故名

鷄心石 在城東六十里

螺亭石 在城東七十里有拾螺女爲螺噉死

葬亭傍塚化爲石螺殼無數蘓東坡詩碧溪

青嶂繞螺亭指此也

噴龍石 在城東八十里兩崖劍立飛淙注下

爲龍湫禱雨有應

麋山 在城東一百里

天南山 在城東百餘里舊有盧光稠驛亭

五龍嶺 在城東百二十里下有龍湫

馬頭石 在城南三十里信豐江口水中共突起

如馬首

席帽山 在城南三十五里俗呼爲酒罈山下

有黃仙石相傳一道人乘白鹿從石上凌雲

去

牛輓嶺 在城南四十里

崆峒山 在城南六十里一名空山自南康數

十里蜿蜒而來章貢二水夾以北馳蓋一郡

章少知言
卷之二
三
之案山也山麓周迴百里巔有湖湖有編艚
底人動之風雨立至晉咸康五年太守庾恪
於西山麓中建立神廟祈雨最有靈應

四會峯 在城南七十里東距龍江與崆峒對
其上方平可容數百人旁有小徑可躋井源
不涸宋元人避兵於此

文秀峯 在城南七十里突立於平田之中高
百餘丈

麻嶺 在城南百里有石磴可登頂面亦方平

武山 在城南二百里巔有石文若仙掌

西隱山 在城西四里舊名佛嶺巔峯突起有
亭介其間名曰御風今廢

通天巖 在城西二十里空洞如屋有穴透其
巔怪石環列如屏障宋秘書陽行先隱於此
太守林顏號爲玉巖翁留元剛建玉巖亭行
先祠在焉今廢登覽者留題甚多

忘歸巖 在通天巖半壁玉陽明借講學門人
窮巖谷之勝始得此幽雅峻絕坐而忘歸較

之通天更奇因名

杏林山 在城西一百里

儲山 在城北二十里俯臨清潭上有儲君廟
僊女石 去儲潭五里許上有仙女祠蠶者禱
焉

玉石山 在城北四十五里諸山俱黑壤惟此
山一石如玉瑩

象山 在城北五十里旁高中竅有古廟石竈
石鍋陳跡

黃唐山 在城北六十三里中有石室僊跡甚
奇

鳳凰岡 在城北六十里宋治平間有鳳鳴其
上

中峯山 在城北七十里與妙高峯相對
雙秀嶺 在城北七十里與錦屏山相對
虎面石 在城北七十里黑斑如虎文

枕石 在城北七十里橫亘宛如一枕
妙高峯 在城北八十里舊名吼嶺高可十仞

烏兜山 在城北八十里與席帽山對巖泉瀑
布溪澗抱流

金龍山 在城北八十里高圓如釜舊名下釜
小湖山 在城北八十里

社山 在城北八十里

錦屏山 在城北九十里

石人石 在城北九十里相傳郡守劉彛舟過
水涸灘高榜人甚難之忽夢石人語曰劉賢
侯也吾當護之詰朝解纜卽下灘

合龍山 在城北一百里

天師山 在城北一百里

龍蟠龍爪二石 在城北一百一十里

龔公山 在城北一百二十里舊爲龔隱士所

棲今爲寶華寺馬祖遺跡及勒潭龍井在焉

順山 在城北一百二十里抵萬安界怪石萬

丈歷三十六劫至其巔

試劍石 在城北一百二十里

分水嶺 在城北一百二十里爲輟縣萬安之

界

黃竹嶺 在城北一百四十里通龍泉縣四畔
有竹

書筒石 在城北二百二十里見溪水中脩長
圓潔如書筒

火燄山 在城東南二里脉自崆峒來色赤如
火城內建天一閣對向取水制火之義

玉房山 在城東南二十四里原名赤石大石
連聳燦若舒霞中有玉房瓊室天寶六年勅

改今名

了髻峯 在城東南六十里

羅龍嶺 在城東南八十里踞通信豐行者憇
焉

雙龍峯 在城東南二百餘里

楊梅嶺 在城東北一百二十里

攢嶺 在城東北一百二十里

龍頭嶺 在城東北一百四十里下有龍湫旱

可禱雨

九峯山 在城西南三十里根盤數十里屹立

高聳對崆峒向縣治

蛤湖山一名三陽 在城西北三十里上有三

峯下有龍湫與崆峒對爲郡治後屏

白石嶺 在城西北三十里

貢水 在城東漢志名湖漢水源出汀州新樂

山西經瑞金南過會昌比會寧都石城安遠

雩都興國信豐龍南之水流至府東環城而

比合章水

章水 在城西漢志名彭水源出南安聶都山

自大庾東折而北經南康會上猶水至府西

環城而北合貢水是爲豫章水

贛水 章貢二水合而爲一故名北流三百里

至萬安縣其間有灘十八怪石多險折而東

經吉安臨江達南昌而匯于彭蠡

長步水 在城西北四十里源出黃家山四十

里流入贛水

龍溪水 在城北一百里源出黃竹嶺流入贛

水

梁水 在城北一百六十里源出龍頭嶺西流

入贛水

皂水 在城北二百餘里自東流出皂口會贛

水

按桑欽水經云贛水出豫章南野縣西北過

贛縣東又西北過廬陵縣西又東北過石陽

縣西又東北過新淦縣西又北流入於大江

水經注曰豫章水導源東北流逕南野縣北

逕贛縣東會湖漢水水出雩都縣導源西北

流逕金雞石西北逕贛縣東西入豫章水山

海經曰贛水出聶都山東北流注于江入彭

澤西班固稱南野縣彭水所發東入湖漢水

庾仲初謂大庾嶠水北入豫章注于江前漢

地理志曰豫章水出贛縣西南北入大江雩

都湖漢水東至彭澤入江行千九百八十里

後漢郡國志曰贛有豫章水劉歆曰湖漢等

九水入彭蠡故言九江注又曰豫章湖漢及

贛並通稱也蓋控引衆流總成一川雖稱謂有殊言歸一水矣雷次宗豫章記云贛縣豫章水出郡西南故以名郡雖十川均流而北源最遠故受名焉應劭漢官儀謂城南松陽門有樟樹垂蔭數畝郡以此得名又一說也獨劉澄之云縣東南有章水西有貢水二水合贛字因以名縣酈道元以爲謬謂劉氏專以字說水而不知遠失其水之實蓋緣經志止有豫章湖漢贛水贛一作灑而無貢水名豈贛貢二字同音而劉之謬誤或在是故道元從而駁之與然章貢水合爲贛諸載籍亦有之若豫章郡以贛水得名次宗南昌人所記當不妄今並存之以備攷

乾渡洲 在城東磨車灣積沙如阜洲露則知諸灘水涸故名

七里洲 在城東七里沙石突起水分流而復

合

文潭 在城東三十里潭之上有嶺清秀相輝

歐潭 在城南十五里以居人多歐姓也

儲潭 在城北二十里其深叵測上有儲君廟

湖洲 在城北八十里突起江中周迴數里

錫洲 在城北八十里蕭郭二姓居焉

米洲 在城北九十里沙白如米鴈鷺每爲所

迷

鳳凰池 在府治東南池中有石竹生焉舊傳

有鳳棲其上寶慶丁卯郡守聶子述構有亭

扁曰鳳凰池

嘶馬池 一名洗馬在府治通利坊郡守聶子

述書人傑地靈扁其堂歲久湮沒正德丙子

郡守邢公珣於指揮姚墜宅左清出直濶三

丈五尺橫寬三丈二尺環砌以磚後復塞嘉

靖壬戌督撫陸公穩重清太守黃公辰定其

界址今仍塞

金鯽魚池 在府治東南贛州衛後宋知軍趙

時逢柴中行相繼開拓元末廢爲民居景泰

二年訓導司馬軫白韓都御史雍委官得遺

跡于金魚坊池隔巷贖以官錢環砌以石後
爲居民周欽所占而劉勝浩等復占塞通池
古巷正德丙子邢公珣復清出池東西五丈
五尺南北四丈三尺古巷濶七尺池旁隙地
長一丈七尺濶一丈後仍湮沒嘉靖壬戌督
撫陸公穩檄知縣劉邦獻勘復街口建金魚
坊太守黃公扈於池上建書院士子肄業

按郡城內三池鼎足相望舊傳池各有溝水
脉交通常注不涸鳳池地臨通達清泓如故
斯馬金魚僻在委巷易於侵沒自宋元迄今
時一清理然通塞無常追尋不易久之且失
其故址矣夫三池之開塞繫人文之盛衰卽
形家之言未必一一有中顧相其陰陽觀其
流泉自昔考卜者不廢也石讖相傳已久豈
盡繆悠不足信耶唯是歲邈跡湮承勘者急
於報命曾何悉心考求指其近似便以爲真
取而合之邢太府當年所度丈尺能無爽乎
否也卽云清復無益已如欲得真蹟須從鳳

凰池循其溝之曲折窮其水之通流必無一阻闕而後脉絡分明古人開浚之微意可識
孳音櫛秀庶幾與識相符契乎

洗硯池 舊學泮池宣德四年縣丞趙鼎浚之放生池 在西城外知政橋下傍有亭名臨章

郡守趙時逢改曰永川宋紹興癸亥詔天下各置放生池今廢

蕪泉 在光孝寺東本張氏之居南宋元嘉中一夕霹靂泉忽湧出郡守以廉名故云宋守

趙公領祥建亭其上蕪軼有詩隆慶戊辰郡守黃公晨重脩名其亭曰洞酌名其臺曰濯

纓王太史弘誨為之記

福壽二溝 在府城昔人所穿以疏城內之水

也不知創自何代或云郡守劉彛所作近是濶二三尺深五六尺砌以磚覆以石縱橫紆

曲條貫井然東西南北諸水俱從湧金門出口注于江後因民居架屋其上水道寢失其

故每歲大雨時行東北一帶街衢蕩溢廬舍

且瀦爲沼以水無所洩故也官府往往下令挑濬而民間貧富不齊未必人人盡力此通彼塞胡能四達周流盈尺爲梗尋丈柰何卒使前人畢智殫力之經營至委之泥沙溷穢而莫之續也可惜哉可惜哉儻微惠于上人督以專官資以公帑用民之力而不用其財窮源及委務令逐處開通必見溝底而止而文分地量工寬假時日以考其成并貸其占塞之罪庶間闢樂于趨事而古蹟可復水患可消則百世之德也

雩都縣

青釣山 在縣東五十里巔有飛淙濺沫春夏淫雨瀕江民每候其聲以避昏墊

珠玉山 在縣東二百五十八里昔名官山有人於此見大珠唐天寶六年改今名又云山產珍禽香草

靈泉巖 在縣東五里卽出水巖瀕江有石山水從石竇出噴入江中上有佛廬邑人遊賞

稱勝境

羅田巖 在縣南五里一名善山兩旁有巖相通古稱華嚴禪院左爲仕學山房屋巖下右日觀善巖陽明先生題筆也孝廉何春所闢也周濂溪倅虔時曾遊此故有濂溪閣巖有高山仰止亭學士大夫談道論學者多集於此

通巖 在縣南十里山腰前後洞徹內通往來宋紹興間知縣黃士龍鑄額慶元間邑人謝時舉勒銘

需巖 在縣南四十里上下兩穴邑人王鴻隱此有泉曰霏光液松曰甘露松皆鴻所表也又有木樺巖涵虛洞釣魚臺多鴻篆跡今皆剝蝕矣

金鷄山 在縣西三里有穴如石室金鷄出入其間今亡矣

龍巖 在縣西四十里有白雲嶂三洞聯絡嵌空玲瓏各可容百餘人石乳垂垂欲墮五色

灼爛疑神工所爲扣之鏗然作玉磬聲又彭彭殷殷若鼓聲溪脉貫注上曰白雲深處中曰太虛巖下曰龍巖邑人袁淳讀書處先時贛人呂禎弃官歸隱於此著有龍溪清嘯稿石寶穴 在縣西七十里瀕江卽黃衣人唾金處

雩山 在縣北三十五里高可摩霄古禱雨處有神靈異立廟祀焉盖邑治望山也

鳳遊岡 在縣東南六十里舊傳有鳳翔其上干霄山 在縣東南七十里山多松杉產石蜜

柴侯山 在縣東南七十里 詳見紀事

寒信峽 在縣東北六十里崖壁夾峙每歲峽中先寒故名

高沙寶山 在縣東北百十里兩峯並高若伯仲宋時有樵者逐鹿入穴掘之銀鑛溢出遂以此各

龍門石 在縣西南十里夜有紫氣濛濛騰霄歲大比或聲裂如雷俗謂龍門開必有效巍

科者

斗巖 在縣西南二十里祈山之前以七小阜得名相傳梁真人脩道于此故巖嶺有梁仙

古檜

藥山 在縣西南九十里舊傳陰雨晦暝常聞

音樂聲或云山產黃連

鯉魚石 在縣西北三十五里瀕江狀若游魚

雩都峽 在縣西北五十里峽長而險前臨大

江岸壁陡絕磧礫嶽崎爲雩襟喉

太平山 在縣西北八十里瀑布幽蘭人多遊

賞今有太平公館

夜光山 在縣西北八十里南康記曰夜光遙

見若火從峽沂流十里有石臨水名曰蛟窟

本名峽山唐天寶勅改今名

雩水 在縣北三十二里源出雩山上流寧都

江挾石城水自東北會昌江挾安遠瑞金水

自東南皆遶雩城而西稍南出峽又稍南則

興國江水自西北又前二十里則信豐江挾

章少府記

卷之三

九

龍南水自西南皆與雩水合入郡城東會章
水是雩之水所匯者衆矣自餘發源于禾豐
于霄等山者皆支流也若南溪黃沙尾長樂
箕管佛婆龍下曲陽黃坑古田小溪水頭澄
江散渡等水則總入寧都水不備錄

井泉 在縣東紫陽觀內間日其酸其日汲以
釀酒甚美宋守洪邁詩曰茲彼井泉出自東
方發源雩山鍾于紫陽冰清玉潔源溪流長
君子至此鑿亦有光洪武中詹孟舉名以知

味

龍鍾潭 在縣東舊傳吳王芮遣將軍蕭武往
盤古山取鍾過此沒焉漁父時或見之岸有
將軍廟今廢

應元壩 在縣南薰門外吳僧識曰大壩臨縣
前雩都出狀元或問何時答曰一夕風雨便
成符契

梓潭 在縣東南六十里吳王芮伐梓事詳見
紀事中

瑞蓮池 在縣西二百武產異蓮三莖二十四

葉其葉曰雙捲劔脊其花曰雙頭丫髻其實

曰覆鍾金錠俗謂雩山倒影所致移之他處

輒如常種

龍窟潭 在縣東北青塘里清真觀下其深叵

測探之不窮

烏沙洲 在縣西北十三里俗傳有沙隱約見

城郭人或平之復浮出

米沙洲 在雩峽中長二百餘丈其沙二角與

常沙異色最白人視其厚薄以占米價低昂

信豐縣

綿山 在縣東三十里綿水出焉

小假山 在縣東四十里勢如列戟上有龍湫

旱可禱雨

樂平山 在縣東四十里石泉洳流不涸

鳳凰石 在縣東四十里雙峯峭峻舊傳有鳳

止其上

武山 在縣東五十里舊傳唐武氏之族避地

於此

鷄籠山 在縣東五十里頂平傍峻

竹村山 在縣東六十里

禾溪山 在縣東八十里怪石峭峻下有溪流

蔭田數千頃

赤岸山 在縣東八十里

企嶺山 在縣東八十里頂尖如笋望之羣山

莫並

衢孚山 在縣東一百里下有衢孚土神廟

羊馬石 在縣東二十里二石對立一高一低

如羊馬然

南山 在縣南廂外爲邑治前案

董坑巖 在縣南三十里俗呼羅漢巖

金鍾山 在縣南四十里上有二石筭一高數

丈絕頂有古寺

平石山 在縣南四十里流泉盛夏不涸

三明山 在縣南四十里三峯鼎峙石塔五層

井泉澄泓不竭舊傳王道人結菴於此

出錢岡 在縣南六十里土色紫赤圓小如錢
又名吉錢嶺

香山 在縣南七十里九十九峯有小溪十八
多產藥物舊傳百鶴飛來各止一峯一鶴無
所止羣鶴皆飛去巔有哀道人巖深廣可坐
數十人道人居此一日忽去書萬山哀道人
造巖住八字於石今墨跡猶存

龍平山 在縣南一百里俗傳龍從山頂出遂
平

照鏡石 在縣南一百里形圓色瑩日照如鏡
又有響石廣丈餘高數丈與人聲響答

黃栢山 在縣南一百二十里上有龍湫禱雨
多應

大龍山 在縣南一百二十里俗傳遇夜紅光
燭天中有龍井土人往往迎禱又有數十巖
洞產紫草藥果常見異花如白蓮蓋仙窟也
新龍山 在縣南一百五十里舊傳普濟禪師
學佛之地有塔見存

鳳湖山 在縣南二百里舊傳有僧苦行於此
跌化因塑像立寺

靈麓山 在縣南二百里高千丈上有聖壽寺
九日岡 在縣西廂外二百武九日士人登眺
於此

穀山 在縣西十五里其高插天雄據一邑頂
有池產五色鯉十道志言南康有五色鯉卽
此是也腰有巖石懸若乳泉浸浸下滴幽勝
可愛名芙蓉依巖爲屋

下棟山 在縣西三十里飛泉若練四時不竭
龍塘山 在縣西五十里下有塘數畝一窟深
不測相傳有魚化龍故名

雉山 在縣西五十里其形類雉

單塘山 在縣西七十里

猶山 在縣西一百二十里上分九十九百多
產異藥

廩山 在縣北三十里石圓如廩狀
聖山 在縣東南百里有龍吟院

鐵石巖 在縣西南二十里嶺有二門中可容百人又有石井龍巖石龍穿過見右爪歲旱禱之聲鼓水微滴鳴金則長瀉矣昔人多避寇於此

黃石洞 在縣西南八十里高數十丈中有石人作兜鍪按劍狀後有石獅象距左右又一洞深險人跡不到飛淙綠崖噴珠濺玉

三峯石 在縣西南一百里三石屹立如笋高數十丈

松子石 在縣西南一百里凡三十餘石率高數十丈

塔石 在縣西南二百里前有石寨二大可容數百人小可百人宋元避兵於此

嶺嶺 在縣西北四十里南康信豐于此分界
桃江 在縣東源出龍南縣冬桃山北五百三十里至信豐昔入貢嶼巖險峻有灘十五巨石屹立

綿水 在縣東三十里源出綿山至烏口入桃

江

巫水 在縣東四十里源在巫山抵樟塘會龍

湖入桃江

烏村潭 在縣東四十里懸崖飛瀑三級而下

流作潭

龍湫 一在縣東九十里鷄冠磔一在東百里

石山潭一在東北二十里星谿

小河 在縣南合上龍箬坑二水入桃江

和溪 在縣南源出安遠縣界和口龍湫入桃

江

安息水 在縣南百餘里源出安遠河田山至

龍湖口入桃江

北江 在縣北百餘步源出猶山百四十里入

桃江

黃田江 在縣西南源出南雄界抵黃田務始

通二百里入桃江

溫泉 在縣南八十里地名衢乎

鴨公池 在城寶塔寺左識云鳳凰來宴鴨公

池卽此

興國縣

靈山 在縣東十五里山腰有石窟內有石如

仙桃狀左右有五峯曰獅象香爐鉢孟錫杖

下有玉珠泉

方石 在縣東十五里居縣治左其形端方堪

輿家目爲印山

盧禪巖 在縣東二十里乃盧禪師學佛之地

景致可供翫賞

太平巖 在縣東常清觀後內有石竈石人水

臺竹橋之勝

羅經石 在縣東簾幙嶂前石上隱然具子午

篆文故里人多習形家言

蓮花山 在縣東百四十里舊傳文丞相駐兵

處累石爲城基猶存

崖石山 在縣東百四十里文丞相屯兵處後

有登者獲寶劍以歸

橫石 在縣南五里橫于江中長數丈巨浸不

沒狀如倒笏朝揖縣治

羊山 在縣西十五里土人改呼為陽邑令盧

寧則謂山以羊名象形也稽諸地議尤不誣

焉以陽易之殊為失真仍舊稱

玉山 在縣西十五里視衆山獨高

疊山 在縣西四十里山有社石狀如龜然

瑤岡 在縣北一里上平曠立有壇壝義塚

赤岡 在縣北三里上建演武亭

池源山 在縣北三十里池口上有南北二峽

二十六坎深闕幽隱疑為神物所居

寶石 在縣北五十里其石端圓不生草木

石人 在縣北八十里有小石如冠類人立分

支為秦娥峯相傳女娥來自楚得道能行風

雨既卒人因立廟祀焉廟有東西二井下有

曬衣石衣影尚存名人題咏甚多

任山 在縣北一百里面對九老峯

覆笥山 在縣北百七十里東望金精西望芙

蓉北接青原南瞰章貢為一邑羣山之宗

龍州府志 卷之三
盧公山 在縣東北二十里峯入雲表與覆笥
爭雄俗名蜈蚣不雅因邑令盧公宁得民遂

易今名

東龕巖 在縣東北二十里舊爲鍾令公紹京
讀書處巖前有石截焉中分上有飛泉百尺
下垂如練兩旁壁立不可徑水流石罅間下
通小舟巖中可坐數十人面一峯奇峭如笋
怪松異卉交其上石如舫倚其旁巖水由
靈湖來有巨鯉帶銅環傳爲令公所養值早
禱雨輒應

方山 在縣東北四十里山分四面上有仰湖
旱不涸旁有巖或以爲仙靈窟宅故里人祀
焉

槎嶺 在縣東北四十里有觀音石臺

榴岡 在縣西南二百武上有翫翠亭今廢下
有曲澗水石鏗然有聲

上洛山 在縣西南四十里上有石墨可書

湫江 在縣東北一名平川源出盧公山西會

太平鄉藍坡濊水西北會清德鄉黃田水二百六十里通平固江口入貢

龍下川 在縣東二十里源出曹溪西流三十里合濊入貢

靈湖 在縣東二十里水清澈舊傳有巨魚帶銅環人或見之今亡矣

長信瀧 在縣東二十五里狂瀾奔馳聲吼如雷俗呼上目啞灘以舟過禁聲也下曰泥灘以深不可測也

衣錦瀧 在本鄉崖石層起如人跨馬諺云龍下三瀧舟楫莫當唐子儀募工頗平其險

獅子灘 在衣錦鄉有石屹立如獅

仙女潭 在縣東北清德鄉有巖穴深廣十餘丈有盤石夷衍可坐下有龍湫

龍王潭 在縣南半里許爲龍穴漁人入水嘗見底有石竇一石突出江心

天池 在縣北門內二十步邑令唐子儀開濬引渠水入池中縈迴出上南門外

海公壩 在縣南二里水口關鍵處邑令海公

瑞樹松萬餘蔟鬱成林人故以是稱之

洗藥池 在縣治西北治平觀葛洪鑿以洗藥

門外有丹井泉味異常

會昌縣

古方山 在縣東十里高壓羣山壯觀一邑

注米巖 在縣東三十里深廣二丈許伏虎潭

師駐錫處有小竇日出米隨人多寡可給後

人鑿之米遂絕僅有泉流故又名注水巖

白雲山 在縣東八十里

案山 在縣南八里其平整如案

塔嶺 在縣南駝峯上相傳 國初有塔今燬

魚潭石 在縣南二十里石立江滸昔遺老周

伯綸釣於此今潭淤塞

大明巖 在縣南三十里中有大明寺廣數十

丈下爲法堂旁有水簾隨風舒散

蕭帝巖 在縣南百里狀如獅伏而張口中虛

可容百餘人舊爲齊武帝避難之地事詳紀

事一中云梁武帝徵時讀書巖下今有剝院
讀書臺

聖姑石 在縣南百十里瀕江如人形篙師過
必擲石以卜吉凶

四望山 在縣南一百二十里與閩廣連壤清
秀如畫

鴈門峽 在縣南一百二十里江兩岸皆高山
中列三石破江水分爲三道又號爲三門峽
舟行甚險

水清巖 在縣南一百二十里相傳邑人林姓
者夙化於此

羊山 在縣西一百里舊傳有張十郎神祠人
祀以活羊縱之不去虎亦不傷縣令余文震
遷廟於仁峯其羊遂化爲石

仁峯 在縣西一百里舊傳有石室石臺祀張
賴二神臺旁有竹一竿風來則偃而拂之其
屋潔淨無塵石竅中泉不涸飲之可愈疾

牛背嶺 在縣西二百二十里

明山 在縣河北二里爲邑主山寒泉飛瀑巨石躡峙上有六祖寺下有五坡石

三門洞 在縣北五里

石門 在縣北七十里臨江澚兩石屹立如門
余侯峽 在縣北一百里舊傳有余侯得神龜將招山寨海無何龜亡侯亦卒葬峽旁有廟及所居遺址在

閣山 在縣東南四十里巔有寺以虎患移于麓名曰秘藏

盤古山 在縣東南一百二十里周圍石壁亦號盤固有羅漢巖可容數十人有池廣一畝產白蓮

軍門嶺 在縣東南一百二十里兩山對峙如壘晉時屯軍於此

漢仙巖 在縣東南一百二十里舊名漢溪深廣數十丈相傳爲秦王讀書處一石竇僅容一人匍匐而入至讀書堂又橫過石壁有石龍數丈見者咸訝爲真又有枯木一枝橫亘

章少府詩
卷之三
三十一
絕壁俗謂仙女挂香風雨不蝕舊跡日久榛
塞隆慶辛未有僧明圓與其徒真寧駐錫於
此極力開拓構造一新而巖跡日顯如鷹蹲
僧帽羅漢龍頭葫蘆蟾蜍天河天開諸石玉
笋天竺二峯天開閣月鏡臺會仙亭金剛窟
滴水汜白龍激萬松菴一線天白蓮池石鏤
泉石獅石龜笏碣仙人奕處種種竒絕難以
具述詳見巖志中

君山 在縣東南一百八十五里與盤古山接
中有玉臺方廣數丈周迴盡白石覆如屋四
面多松杉一名媯官亦曰女媯石每風雨後
聞鼓吹聲山魍木客爲之唱舞

西山巖 在縣西南七里邑人尹天民讀書處
前有石牕石鼓瀑布水簾試劍石六和精舍
祠宇久廢

鐵山 在縣治西北舊出鐵今絕產矣然迂迴
清麗頗稱勝槩

九僊巖 在縣西北五十里深廣三里許相傳

內有九龍後為九道士乘之而去

會昌峽 在縣西北一百里兩山夾江水成漩

羊角水 在縣南一百二十里舊名郎溪東達

武平南達程鄉為會昌襟喉湘水發源於此

湘水 在縣南流出柳川界西北過龍石會綿

江又會軍山盤古嶺墨斗灣洛口上格諸水

為湘洪上有十灘舟行多險

湘洪水 在縣北七里合綿湘兩江西北過雩

都流入貢水深莫測蛟蜃居之中多怪石難

行舟

安陽水 在縣東十里有會東水上轉水總一百九

十里北到州海陽縣界

安陽縣

安陽 在縣東二里壁立如步垂然

馬鞍山 在縣東十五里有小池農稅所清勝

一川愛

熊嶺 在縣東二十里高踰二百丈

龍清巖 在縣東百二十里大小穴數十處巖

前清流縈帶宋祥符中有僧建佛刹其上
打鼓嶺 在縣南十餘里巔有石鼓鼓旁二石
人對立邑樵樓鼓鳴輒應之後斷石人手遂
不應

欣山 在縣南十五里高峻插天盤互數百里
上有石巖蓮池床石山產卍橘異竹登覽令
人欣悅

九龍嶂 在縣南十五里上有龍潭九禱雨多
應

南逕嶺 在縣南三十里上有逕路長十數里
逕口有石高三十餘丈狀類獅子

犁嶺 在縣西二里

蓮花巖 在縣西二十五里循山嶺穿石徑而
入兩山峭立中藏一洞巨石倒懸下為佛宇
傍有石龕二古塔一又有飛瀑從天際而下
經洞口流入溪澗中幽深奇幻邑人鮮有知
其勝者邑令周杲搜奇得此新建屋宇于其
間題為蓮巖洞天

鐵山 在縣西七十里宋有鐵場故名

擢秀峯 在縣西八十里秀拔入雲有茂林飛

瀑之勝

頂山 在縣東南二百里閩廣之交雙峯聳翠

重石山 在縣西北一百里

濂江水 源出烏田尾自縣東南二十里至縣

沿西北會欣山上濂里仁小華江安遠諸水

流至板石始通舟楫至會昌縣界合流入貢

三百坑水 在縣南四十里源出三百坑東流

一百五十里至縣九洲河始通舟楫出縣二

百五十里入廣東龍川縣

寧都縣

翠屏山 在縣東二里山勢蜿蜒壘界梅江而上

一名巽峯

長春谷 在縣東二里邑人胡荃隱處

石華山 在縣東四里岑巒秀特昔有道人廬

其巔

武頭山 在縣東四十里脉發自閩盤據數十

里爲邑祖山南康記南宋大明中有至其巔者見池廣可百丈水色如丹旁有顆粒如珠光麗再往竟失其所原名虎頭以避諱改今名

延春谷 在縣南一里邑人孫立節父子讀書處

螺石山 在縣南十里有巖曰寶獅邑令陳大綸培土于山頂以作南鎮

虔化石 在縣西五里狀如虎下有陂亦各虎相傳石爲虎所化者不曰虎化而曰虔化亦如虎頭山之避諱也因以名縣

方竹巖 在縣西十里多生方竹

官人山 在縣西十里昔有仕人避寇於此故名四面壁立橫通一線天光攀躋而上則夷然平曠中有一巖如抱曰蒙巖有泉如曳線曰蒙泉左一巖人呼輒應曰虛巖右一泉積瀦不涸曰哀泉二峯幽閔不露曰潛峯山之麓有泉有湖兩山夾澗可一里許景致奇絕

人謂之小桃源陳大綸有記

蓮花山 在縣西二十五里峯巒轟轟如蓮花
巔有三峯中有僊女湖下有龍湫鎮以巨鐘
構祠祀焉

白茅峯 在縣西三十里生白茅下亦有龍潭

四時吐雲氣又有龜湖亢旱不涸

君子峯 在縣北二十里形如卓筆與濠山對
邑人袁愉舊廬在焉

濠山 在縣北二十五里山間雲氣濛濛懸崖
飛瀑注石池中頂有巖方丈前爲戶牖石牀
石梯不假斧鑿皆天成中虛一巖可容百餘
人自餘巖穴小大各極其妙相傳晉時里人
賴箕廬于此

中華峯 在縣北八十里

盧穆巖 在縣北一百二十里崛起千仞巖之
石戶如甕內廣袤幾十丈左壁一室持炬從
竇入深廣半之嶺有泉甚清冽唐盧穆廬華
于此仙去足跡猶存

凌雲山 在縣北二百里高數百丈迤邐而上
臨川廬陵諸峯歷歷可見左右石峯插峙其
下龍湫涓滴有丁東聲號爲衙鼓洞投鐵觸
龍風雨立至世傳漢高帝祖墳在其上故建
漢高祖廟于山麓董尚書越有詩明其誣然
是山常有虎豹守之人莫能登又可異焉
大明山 在縣北二百里與凌雲山相近
雲石 在縣東南二十里巔有湖南宋大明山
有人躡其上見湖中蛟犀出沒

雲蓋山 在縣東北八里

梅嶺 在縣東北二十里

東陽巖 在縣西南八里近金精山巖藏木鍾

金精木鶴鳴則鍾應之有泉名僊液

箕筍谷 在縣西北七里與金精相望脩竹數

十畝翠篠蒙密中有飛來峯有獅子峯有翠

巖有釣臺有瓢泉邑人曾興宗自考亭歸建

精舍於斯扁曰歲寒結廬一曰水竹幽居以

處四方之來講學者

章少府詩
蒼山 在縣西北七里邑人曾原一建萬象亭
于此固號蒼山隱人

青陽洞 在縣西北十里奇崖峭壁脩竹茂林
澄潭清澈可鑑邑人曾益之居此今巖下建
有佛殿

金精山 在縣西北十五里有峯十二丹崖翠
壁烟靄明滅奇怪萬狀道家列爲三十五福
地漢時里人張芒女麗英飛昇于此詳見方
外志其海螺巖半月巖靈泉背山中景也而

靈泉仙跡尤異竝見紀事中

甘泉巖 在縣西北二十里泉瀑自巖下注左
有隆興巖廣可丈餘中有石碁枰

東華山 在縣西北二十里景最奇勝隔澗爲
青陽

桃林山 在縣西北二十五里徧山皆桃雜以
佳卉梵刹有佛牙出舍利光泉流紆廻一泓
日過夏暑退則渴矣

梅川 在縣北百二十里源出梅嶺經麻源丁

龍溪府志 卷之二
坡梅口東南會白沙白鹿東北會鰲溪小溪
東江西北會龍溪桃溪西江諸水流經雩都
縣境入貢水

璜溪 在縣南三十里流自梅川形如半壁世
傳溪水有聲珊珊如觸玉璜然當出名賢成
化己丑是溪水作璜聲董文僖公果進士及
第其子廷尉公天錫世家溪上因以爲號
雙魚洲 在縣南一里浮卧江中如游魚巨浸
不沒今建畫錦亭于其上

鈎洲 在縣南二十里彎環曲折如鈎然地隔
數百武舟行必遲廻半日乃過所謂梅川關
鎖不虛矣

瑞金縣

錦被障 在縣東十里形如簾幙其下有坡

大隘嶺 在縣東二十里路通閩廣

石岡 在縣東三十里

茅山障 在縣東四十里

雲龍岡 在縣南半里一名黃芝園雲山排闥

江流襟帶邑人湯拱棲遲於此故別號龍山
龍山 在縣南二里

筆架峯 在縣南十五里三峯並峙如筆架

軍門山 在縣南二十里綿亘若布軍然

平布岡 在縣南三十里

螺石山 在縣南四十里人跡罕到如螺形如

仰龜如躍馬如屏障與香山對峙

雙峯 在縣西十里俗呼貴人峯

月圓巖 在縣西四十里一名皇恩其狀如魚

橫澗十餘丈巖前有二潭曰小龍曰龜池宋

天聖中僧法明結廬其上勅賜金額

石門山 在縣西四十里巨石峭峻如門止可

容一騎

廊當嶺 在縣西八十里

紫雲岡 在縣北六十里時有雲覆其上

藍石 在縣東南五里形如伏獅

鷄籠山 在縣東南四十里

獨旗山 在縣東北七里

龍霧障 在縣東北三十里上有仙女池旁有

棋盤石卽後周謝仙翁樵採得仙處

陳石山 在縣東北五十里有巖深廣十丈餘

舊傳陳霸先嘗寄跡于此故巖之上有將臺

有兵寨內有劍門九曲洞打屠巷石窓石梯

石鼓龍湫龍池外有天柱劍峯玉峽水簾注

水巖試劍石六和精舍

北隘嶺 在縣東北七十里橫界長汀縣

劍嶺 在縣西南十里橫斜如劍舊名賴婆垵

塔石 在縣西南二十里其形如塔對面有旗

鼓石相嚮

黃沙岡 在縣西南六十里與會昌接境

大障嶺 在縣西北五里爲縣治主山

寶蓋峯 在縣西北二十里

龍子嶺 在縣西北二十里下有龍窟禱雨輒

應

雙髻嶺 在縣西北二十里

石螺嶺 在縣西北三十里上有仙女湖方二

敵四時不涸

九僊巖 在縣西北五十里相傳有九道人于此乘金龍去

銅鉢山 在縣西北五十里爲縣祖龍巖最高聳雖天氣晴朗而煙霧常幕其頂舉目十里豁然大觀下有龍井井中露石如瓜禱雨見瓜多應前有香爐山有騰雲石上有昭靈祠遠近祈禱者不絕踵

齊雲峯 在縣西北一百里

綿江水 源出陳石巖流五十里抵縣前合貢水又合烏村智水銅鉢山瀾水羅田浮圖水流經會昌雩都繞府城入章

龍湖 在縣藍田山巔清澈如鏡林莽幽鬱不寒而粟中有龍穴可禱雨

陸公泉 在縣西南東明觀前宋大觀中縣尹陸蘊搜尋勝跡得唐人陸藻軒前山色依然綠溜下泉聲漱玉寒之句於石竇間因浚此泉後被召邑人遂以取名宣和壬寅鄧公衍

建亭曰潔襟今廢

龍南縣

障川山 在縣東一百里一名水口怪石磊落
麓盤三江之口

官山 在縣南一里高數百丈

芙蓉山 在縣南五里狀如芙蓉

五公山 在縣南八里五山並列朝縣

馬鞍山 在縣南十里上有陳忠節墓

穎嶺 在縣南二十五里

油瓶山 在縣南三十五里路自上而下平臨

溪濱中有巖洞左鍾右鼓又曰鍾鼓巖隔水
有三石筍森立相向

上皇山 在縣南三十里山勢高聳樹木森鬱
上有古菴額曰上皇不知何謂

清修山 在縣南四十里其高千仞開局一二
里上有環山曲水茂林脩竹肇基于唐至
國朝改建菴宇祈福輒應登山四顧迥出塵
俗別是一洞天也故名清脩

嵯山 在縣南五十里有怪石流泉之勝

君山 在縣南七十里下有古城濠塹巨石峭壁

松梓山 在縣南八十里古松瘦梓森然蒼翠石笋三十各高十餘丈

角子山 在縣南八十里

天井湖山 在縣南八十里上有泉井四時不涸下有水湖淵泓澄淨

菖蒲嶺 在縣南八十里下有澗水

歸美山 在縣南一百里一名龜尾一名神闕高百餘丈有自然石城左右石峽如雙闕山產水晶果以與龍山對故謂之龍頭龜尾其詳見南康記

黃牛石 在縣南一百里

三吳嶺 在縣南一百五十里

大小白嶺 在縣南一百五十里

帽山 在縣南一百五十里

銀山 在太平鄉上有古廟今猶存

犁鼻山 在縣西三十里

尖子山 在縣西四十里尖入青冥羣山莫及

葛溪山 在縣西七十里下臨溪水

筋竹山 在縣西八十里生竹茂盛

水尾山 在縣西百二十里高百丈林木蒼翳然

橫於江水之尾

仙女石 在縣西百二十里下有神祠

樟山 在縣西百五十里卽大龍保樟木逕隘

界山 在縣西百五十里溪通龍川與油潭水

合界抵廣東

玉石巖 在縣北五里有石瑩如白玉山半有

洞廣數十丈旁有巨人跡宋太宗賜書百二

十卷邑人依巖建閣藏之下有玉跡寺治平

間賜額普和萬曆甲戌縣令王繼孝構亭建

坊扁曰天開圖畫曰玉虛勝境此上巖也巖

之後重重深入傍有石鍾鼓石田圳之類進

登高臺大竇通天明爽空濶督府王公凱旋

憇此題曰陽明小洞天郡守那公題其門曰

鞠躬此下巖也而下巖後諸石柱石門扇之類雖刻畫不及凡六七洞或下而深入或升而上穿視二巖大勝人謂杭州飛來峯不是過詳見玉石巖志中

龍山 在縣北二十里上有龍湫

靈應山 在縣北二十五里岡巒重複吞吐煙嵐望之如列畫屏昔常建寺艱于水有禪僧飛錫東行泉如湧出故名

黃土嶺 在縣東南四十里

崎嶇 在縣東南八十里

程嶺 在縣東南八十里

油潭嶺 在縣東南一百三十里抵龍川界

三指山 在縣西南八十里三山如指並列

松林巖 在縣西南八十里寬曠可居中有古佛三尊至今猶新凡旱澇疾病有禱輒應背有峯卓立半壁懸開一竅時平則聞鼓樂聲將亂則聞鉦角聲

猿山 在縣西南百二十里

冬桃山 在縣西南二百里上多桃樹經冬始熟下有溪流名桃川

大岳山 在縣西南二百里上有五岳廟今廢
峯門嶺 在縣西北六十里

桃水 在縣西門外源出冬桃山會岳山銀山

馬坑黃牛石南北嶺類嶺帽山筋竹山三指
山尖子山婆嶺樟木嶺水尾山葛溪山諸水

入三江口

三江口水 在縣北二十里合桃瀟渥三水流

經信豐會零都水入貢

熱水湖 在新興保去縣一百五十里其湖近

河土人以溫處浴身熱處潔牲

石龍窟 在縣北十里四面皆石水從中出天
陰雲起大雨隨至

石城縣

琉璃山 在縣東五里劉仙姑啖異果得仙處

筍石 在縣東十里拔地侵天高百餘丈其山
皆石望之若丹霞左從石門入洞仰觀一竅

如牖天光直射洞中右顧一石復如此上從耳
所謂砥柱非耶

站嶺 在縣東十五里

鷄籠障 在縣東十五里

廖家山 在縣東三十里峭峻邃幽人跡罕到

廖姓居焉

遙嶺障 在縣東八十里

貴人峯 在縣南十里世傳劉仙姑埋鏡於此

馬石 在縣南十里

通天巖 在縣南十五里石壁嶙峋深若巨室

登其巔方平若原一竅通天一樹高挺可稱
佳境

仙女石 在縣南三十里兩石夾澗上架石梁
舊傳爲劉仙姑紡緝之所

夫人障 在縣南三十里上有神祠相傳爲陳
邦光夫人魏氏居址

洪石巖 在縣南四十里攀磴及頂入石門寬
衍如屋奇葩叢生甘泉湧出北有倒巖云出

米轉而南為獅子巖四面峭石如壁路止一線可喜可愕

中華山 在縣南六十里一名鑿龍山上有仙壇產佳茗

賴家山 在縣南七十里跨汀州瑞金境上有三峯特立

鷺公嶼 在縣南九十里為瑞金界

西華山 在縣西五里舊名烏石嶂高千仞一登眺滿城若翠而溪流白如一線天穿

海濶是為大觀

五龍巖 在縣西五里兩崖奇崛潭倚山隈唐

貞觀中二豎入山樵採見龐眉五老拄杖倚巖傍躡而從之無有也止五龍交戲潭中樵者驚怖走俄而雲翳其巔因名五龍巖

八卦山 在縣西三十里上下有湖皆名龜故曰八卦

黎子嶼 在縣西五十里為寧都界

迎恩石 在縣北五里石洞軒豁上有三仙祠

筆架山 在縣北二十里

杭峯嶺 在縣北四十里卽牛頭突抵廣昌界

樓蓋山 在縣北六十里有巖洞相傳楊真人

煉丹之所又云許褒許國讀書處上有石几

石牖午夜嘗見燈光

牙梳山 在縣北一百里盤據廣昌寧化二界

有三十六面元時蔡五九所聚爲巢穴者也

今石將軍石牛欄石馬槽石缸石牀石椁石

杵臼猶存

白水嶺 在縣東北三十里上有三仙祠下有

飛瀑

禪山 在縣東北五十里巖瀑飛瀉中有二石

龍

南嶺 在縣東北六十里

羅家障 在縣東北九十里

羅漢巖 在縣西南三十里

苦竹嶺 在縣西北十里

丈夫障 在縣西北三十里舊傳陳邦光家於

此

琴水 源出鷹子岡南流入灞水合虔化水入貢

灞水 源出栢中里遙嶺會境內古文江諸水西南經灞口會虔化水入貢

燕藪潭 在縣西十里旁有石崖燕往來飛止其上

魚骨磔潭 在縣東七十里萬山間石崖倒垂小潭深規岩上飛瀑下注藏潭口內有拳石

曰鷄心禱雨者游石上舉篙投詞須臾旋波若吸而入既入即出緣崖上奔風雨立至

定南縣

文昌山 在縣東城內先建有亭額曰仰高今改題曰山高水清

白雲山 在縣東三十里其高百仞隆慶初土人欲於此建菴掘地得一石題曰白雲溪處蓋宋淳熙二年勒也竟莫知其所從來因以名山

指揮障 在縣東四十里峯最高而中平窪有
窩可容數千人元時嘗有指揮屯兵于此故
名上有瀑布泉

院遙山 在縣東七十里有二龍潭時雲霧蒙
其上

葉竹障 在縣東七十里嶺丁有長流水莫知
其源山下田資其灌溉

三台山 在縣南隔河三峯橫列中一峰特起
下有印山

西華山 在縣西三里山中有道院

龜尾山 在縣西四十里縣治發脉于此上有
僧舍花香鳥韻煙靄霞光可供游賞

神仙嶺 在縣北四十五里上有仙人題字微
跡山下人時見火光爍爍

大湖山 在縣東北五十里

程嶺 在縣西北六十里以分水爲龍南界

九洲河 在縣東北一百里會高砂橫江下歷
楊梅諸水流龍川

負魚溪水

在縣東北一百里源自南坑坳分

水會龍頭嶺下水流入信豐龍洲出內江會

大河

長寧縣

丹竹嶺

在縣南五十里

青龍巖

在縣南三十里大小十餘穴清流縈

抱有佛閣陟降俱由棧道

選古山

在縣西三十里

帽山

在縣西七十里峭石挿天若文筆

鈴山

在縣西七十里

拔爲羣山冠巔有巖

亦有庵佛子居之

頂山

在縣東南五十里閩廣之交雙峯聳翠

且有飛瀑之勝

登頭嶺

在縣西北四十里經行者必登其絕

頂踞乃得通故名

尋邬保水

在縣東五十里流入廣東龍川縣

赤石渡

河嶺水

在縣南十里

論曰天生五材水土居二人非水土不生然非水土所能囿也管子著水樞備列六國之俗而謂其解在水班椽志地里凡十三國而謂其習係土以今較之班管豈爲定論乎要以地軸天樞隨時轉易而因天相地與世推移則繫於人焉耳荒服化爲隩區陋壤蔚爲文藪概之天下不少也水土足限乎哉吾虔據江西上游章貢二水達于彭蠡空同金精覆笥盤固諸山紀于載籍蓋雄郡也而人文弗鬯科第寂寥果地靈之未啟與抑天時之未至與要以無乎不陂無往不復理固有然彼謂水土困人者猶之井蛙語海管豹闕日闇于天地之大觀也垂天之雲降爲時雨廣莫之野具產梗楠其所駿發者蓋其所鬱積者耶以是知吾郡山川之氣不能常闕而無洩矣人傑而地靈斯顯深有望于吾鄉之後進

丘墓附

漢高帝祖墓 在寧都凌雲山衙鼓洞虎豹守
之人跡罕至

漢柴侯劉叔喬墓 在雩都縣南七十里

唐中書令鍾紹京墓 在興國長信里石亭西

殷富岡

唐檢校戶部尚書謝肇墓 在興國衣錦鄉黃

口

唐禮部尚書衷愉墓 在寧都石城宋江

唐都監楊筠松墓 在雩都藥口今稱為楊公

廟萬曆初年太守葉公夢熊豎碑表之

宋團練副使呂大防墓 在信豐南山寺之右

宋中書令李潛墓 在興國長信里木石

宋直秘閣陽孝本墓 在贛縣通天巖淳熙已

亥憲屬程宏靖邑尹王沘丞陳琦奉憲臺命

葬此

宋吏部尚書曾楙墓 在贛縣崆峒山

宋禮部侍郎兼直學士院曾開墓 在贛縣崆

峒山

宋安撫使鍾佃墓 在龍南縣西北雷公堂

宋承宣使陳敏墓 在石城陂陽鄉浮溇源

宋教授胡埜墓 在寧都萬斛里保畚

元龍南知縣陳泰墓 在龍南馬鞍山

明都御史陳勉墓 在寧都歸仁里毛富坪

明太常卿呂復墓 在興國南隅九峰山

明監察御史陸載墓 在贛縣章水鄉良富

明布政使李旭墓 在贛縣西門外

尚書董越墓 在寧都河東山

明給事中胡易墓 在寧都延春谷

明新會縣知縣丁積墓 在寧都縣南一里

明大理卿董天錫墓 在寧都松下里璜坊

明南京工部主事何廷仁墓 在寧都城東之

東嶽廟後

明刑部主事黃弘綱墓 在寧都西門外生佛

寺右

明僉都御史李涑墓 在寧都水頭里中城湖

明副都御史甘士价墓 在信豐

論曰古仁聖賢人既歿藏之中野必與表識其墓處欲令久遠知嚮慕雖亂世無所逢難太史公曰余登箕山其上盖有許由冢云向使亡與表識史亦何繇知高士所藏哉雖然沒世無名稱者多矣惟侗儻非常之人則有不與骨俱朽者在秦代齊下令近柳下季壠五十步而樵採者殺無赦漢高帝過大梁祠信陵公子爲置守冢五家皆以其人重也不然宋司馬之石槨魏西陵之疑冢旁昵者且從而唾之安在其若堂若斧哉今所紀者弔古懷賢有遐思焉如以官以爵則纍纍此爲往古來今豈勝書乎卽欲爲鬼之董狐將髡皆毫莫任矣

贛州府志卷之二終